



新鐫楊升菴

附夫人樂府詞餘

先生長短句

賣花聲

情

歸朝懽

酒

菩薩蠻迴文

二首

漁家傲

憶舊

清平樂

阮郎歸

何滿子

錦堂春

滿庭芳

集曲名

滿江紅

詠懷

生查子

自嘆

千秋歲

詠懷

如夢令

景

長相思

景

玉樓春

集曲名

金人捧露盤

憶昔

點絳脣

閑步

鳳凰臺上憶吹簫

落花

賀新涼

鴈兒落兼得勝令

二十首

折桂令

二十首

朝天子

二十首

沉醉東風

二十首

醉太平

二十首

癸軒詞目録

終

蔡軒詞



貴溪 夏暘汝霖 撰

浪淘沙

春去已多時  
綠暗紅稀  
子規猶自盡情啼  
新笋出林荷  
貼水梅雨  
絲絲閑步  
畫欄西飛絮  
沾衣旋盛  
盧橘倒金危  
且托醪醕消  
永晝拚醉如泥

醉春風

底事傷懷抱  
春愁那可告  
眼前世態不如心  
笑  
笑  
曲變新腔  
棊更別局  
琴非古調  
杜宇聲

聲叫只說思歸好韶光可惜不長存惱惱消  
盡沈腰減殘何粉改衰潘貌

踏莎行

綠暗紅稀晝長人困新荷貼水青錢嫩衰軀稍  
怯麥秋涼更嫌梅雨羅衣潤乳燕將飛吳蠶  
老盡葵榴弄色端陽近流光堪嘆急如梭清霜  
易上潘安鬢

憶秦娥

春去早紅芳飛盡青梅小青梅小新篁門巷嫩  
荷池沼日長深院無人到黑甜一枕誰驚覺

誰驚覺隣家吹笛園林啼鳥

天仙子

烏兔匆匆朝又暮富貴不來年少去百年身世  
一瞬間且笑歌休自苦却喜黃花開老圃纔  
見海棠紅滿樹又看新荷浮碧渚得寬懷處且  
開懷斟綠醕歌白苧莫把良辰等閑度

畫堂春

弄晴細雨熟黃梅榴花葵萼爭開日長深院獨  
徘徊消遣情懷甲煎香銷石鼎鴉兒酒滿金  
杯醉來一任玉山頽飛夢陽臺

浣溪沙

楊柳花飛筍上林綠陰門巷晝沉沉海棠開處  
思難禁 荷葉正生新水滿燕雛學語畫堂深  
錦葵又展向陽心

燭影搖紅

世態輕浮翻雲覆雨紛更變落花飛絮兩悠悠  
冷暖隨人面物欲蔽蒙得慣日夕頻頻計算蝸  
角之名蠅頭之利并蛙之見 古道渾忘薰蕕  
玉石難分辨不知誰再鼓猗蘭長夜何時旦怎  
得淳風復轉使我朝嗟暮嘆兩鬢霜添百憂雲

集寸心天遠

謁金門

通宵雨驟漲一江新水順下蘭舟如弩矢瞬息中  
三百里 正是半晴天氣厭聽鳩啼樹裡午夢  
初回人倦起舉頭聞鵲喜

憶王孫

誰將玉笛夜深吹喚起清愁入夢來烏兔無端  
晝夜催憶多才何日相逢共酒杯

桃源憶故人

星踈月淡天將曉三唱鷄聲繞了厭聽林間啼

鳥恠底令人惱 惜春偏恨春歸早  
青鏡朱顏易老 悵望雲山杳杳  
愁思添多少

蝶戀花

嘆息光陰流水去 榆火纔更  
又早清和至 陣陣輕風飛柳絮  
新荷貼水青錢細 嘉會難逢離  
別易謾酌芳樽 難解心中事  
兀坐厭聽梁燕語 鶉鴣又喚前村雨

又

花正開時風雨阻 明月初圓  
每被陰雲妬 人世青春容易度  
幾番惆悵佳期誤 萬斛柔情難

盡訴目斷天涯可意人 何處謾自守  
株空待兔 豈堪忘却邯鄲步

眼兒媚

空庭對酒不成歡 無語倚闌干  
鳥啼花落晝長 人困金鴨香殘  
多情別久難重見 鶯被半牀  
閑只應似隔銀河一水 蓬島三山

浣溪沙

竹樹陰森護院牆 虛簷靜坐納新涼  
南風時送藕花香 解悶難求千日酒  
多愁空結九迴腸 鳴蟬聲裡易斜陽

菩薩蠻 又名重疊金

夕陽老柳蟬聲急林下扶筇成久立夏過又驚  
秋年光逝水流 堪嗟人易老綠鬢寧長好對  
景且開懷狂歌飲數杯

搗練子 情

煙漠漠草萋萋落盡紅英粉蝶稀為惜韶光留  
不住休教虛度少年時

小重山 題山

疊嶂依稀眉黛橫峯巒高復下幾層層晚來相  
對靜儀形浮雲散排闥送來青 雨過轉分明

渾如開畫障列銀屏王維復作寫難成連天遠  
堪翫不堪登

憶王孫 集古秋意

木魚金鑰鎖重城風透疎簾月滿庭卧看牽牛  
織女星暗傷情冰簟銀牀夢不成

賣花聲 題情

肌瘦釧金鬆憔悴芳容綉衾冷落半牀空睡覺  
不知更漏幾月掛梧桐 鴛枕與誰同  
梨花謝了海棠紅杜宇聲中春色老幽恨重重

歸朝懽 酒

斷送一生惟有酒酒是詩鈎愁掃箒如天大事  
醉皆休金尊滿酌休停手朱顏能幾久昨日少  
年今白首向花前高歌慢舞莫把兩眉皺青  
山綠水還依舊謾有黃金難買壽何如高卧且  
加餐等閑肯學東陽瘦黃梁炊熟否矜誇槐國  
南柯守且開懷拚教醕酌管甚閑花柳

菩薩蠻迴文

暮天遙映煙林樹青草野郊平遠懷詩興遣鴉  
噪夕陽斜

又

竹林青映紗牕綠啼鳥野花飛晝長宜講究新  
句語驚人

漁家傲 憶舊

蝸角微名徒碌碌頻年奔走經寒燠覽遍南江  
并北陸相馳逐片帆匹馬孤村宿止為老親  
千寸祿時人罔測吾心欲色養親終予願足慚  
矮屋掛冠歸隱王官谷

清平樂

春歸未久正值清和候深院棊聲消永晝好雨  
催詩未就篆銷寶鼎金爐人眠冰簟紗幮可

恹盡梁燕語驚回一枕華胥

阮郎歸

晝長無柰睡魔縈消遣托揪枰各興機智見輸  
羸金杯罰醪醕槐影轉午陰清風傳荷芰馨  
胡牀對坐似交兵時聞敲子聲

何滿子

門外綠陰千頃林中紅雨紛飛有客多情偏惹  
恨年年惆悵春歸睡好生嫌燕語愁多怕聽鶯  
啼新水池塘乳鴨半晴天氣羅衣老大獨嗔  
光景速無因挽駐斜暉要遣此時懷抱除非滿

引金卮

錦堂春

臨水數椽茅屋沿溪幾畝荒田樵漁農圃無他  
事聽命任天然負郭煙霞隱墅滿江風月漁  
船醉來高卧無他夢便是神仙

滿庭芳

集曲名

蝶戀花叢魚遊春水柳梢青鎖朝煙金明池上  
正見夜行船生在綺羅香裏好事近畫錦堂前  
風流子玲瓏四犯高唱鷓鴣天倦尋芳草徑  
一江風好滿路花鮮想小重山外隔浦蓮邊遠

望江南佳景青玉案瑞鶴仙延千秋歲傳言玉  
女永伴鵲橋仙

滿江紅 詠懷

解組歸來山林下誅茆卜築自甘心為圃為農  
無榮無辱向日奔波名利絆于今懶散無拘束  
任日高猶尚未開局春睡足 籬笆下栽黃菊  
衡門外植修竹但隨時秫酒布衣蔬粥徒步慵  
行城市路迂踈不入時人目靜思之世事類如  
何蕉蓋庶

生查子 自嘆

東流水不還老去人難少大藥豈能求仙島何  
由到光陰莫暫留晴雨難先料忙裏且偷閑花  
下金尊倒

千秋歲 詠懷

幾年薄宦南北經行遍三峽水九折坂孤帆淮  
海濶匹馬秦川遠今脫離從前驚險皆如幻  
既遂歸休願林下閑消遣乘小艇騎款段但教  
樽酒滿一任流年換拚酩酊玉杯不用青娥勸

如夢令 景

空裡遊絲千尺沼面新荷幾碧一自送春歸深

院落花狼籍堪惜堪惜只愛錦葵向日

長相思

景

梅又黃麥又黃蠶老秋深農事忙雨餘清晝長  
午風涼晚風涼滿耳蛙聲青草塘葵花正向  
陽

玉樓春

集曲名

小重山下漁家傲滿路花香錦纏道踈簾淡月  
憶秦娥燭影<sub>昏</sub>紅端正好瑞鶴仙迎仙客到  
聲聲慢賞花時早綺羅香藹漢宮春晝錦堂西  
江月曉

金人捧露盤

憶昔

記神京繁華地昔曾遊正壯年文采風流九重  
宮闕彤墀紫禁縱吟眸蟒龍玉帶同杯斝詩酒  
賡酬自投簪歸林下謾有憶見無由但觀山  
望水優游舊經臺殿幾番飛夢到瀛洲故人天  
上無消息望切書郵

點絳脣

閑步

芳草郊原小橋流水多佳樹茅簷竹戶幾箇人  
家住謾策藤筇直入雲深處重回顧落紅無  
數恍惚天台路

鳳凰臺上憶吹簫 落花

堪恨東風僣催群萼如何不着常開恐凋紅墮  
白委地沾苔不管蜂愁蝶怨惜春客無語傷懷  
隨流水任他飄泊到處沉埋 哀哉既隨春至  
不待多時就逐春歸但啼傷杜宇悶損嬌娃况  
值斜陽欲下最使幽思難捱痛憐彼香魂莫招  
玉笛頻吹

賀新涼

世事如碁局嘆人生利鎖名韁波波碌碌愁悶  
日多歡日少那更光陰迅速富與貴何人不欲

古往今來皆可鑒又何如放浪無拘束笑輕肥  
競馳逐 看時人得隴猶思蜀但此心貪得無  
厭誰能知足千載興亡如一夢莫記是非榮辱  
把虛名空汙史牘方寸若能無愧忤前程不用  
巫咸卜把情懷付醺醖

鴈兒落兼得勝令

紅塵競急忙華髮還勞攘身居世路間心在雲  
霄上智計等孫龐辯口似蘇張謾使心千慮都  
成夢一場徜徉解組陶元亮周詳辭官張子房  
又

遠離財利徒遙謝功名路甘為隱者流直入雲  
深處知足返田廬隨分事耕鋤月下琴三弄花  
前酒一壺良圖剩種柑千樹宏謨重栽柳五株

又

難攀蒼海龍懶附丹山鳳碧桃和露栽白玉開  
雲種坐看月兒中睡到日頭紅自樂書千卷都  
忘祿萬鍾歌童謾唱新詞奉琴翁時彈太古風

又

功名路久離富貴心拋棄羞爭蝸角雄懶競蠅  
頭利靜裡一枰碁興到數聯詩白日無他想紅

塵息是非堪嗤謀畧徒多計須知光陰能幾時

又

青山列畫圖綠水環門戶遙辭鴛鴦班且作龜  
魚主守拙事犁鋤安分樂樵蘇野簌隨宜採松  
醪不用沽支吾壯志慚都負迂踈閑愁喜盡無

又

燕鴻春又秋烏兔宵還晝世無九轉丹誰有千  
年壽已往事俱休向後復何求志效陶元亮心  
同馬少游閑愁肯把雙眉皺狂謀都教一筆勾

又

空懷待兔痴素乏屠龍技愧無買董才幸際唐  
虞世老病厭奔趨退隱乞閑居拂拭看花眼抄  
謄種樹書閑時細和珠璣句醉餘高歌金縷詞

又

陰陽互盛衰寒暑相更代青雲志既違白髮身  
宜退風月舊亭臺松竹小軒齋羽客攜琴訪田  
翁送酒來追隨真率香山會忘懷耆英洛社陪

又

榮枯本自然富貴難期願紛紛人不同徃徃心  
非善白手欲攀天平地要登仙名利魚吞釣光

陰箭離弦堪憐烏兔相旋轉常言滄桑有變遷

又

常懷千歲憂豈有百年壽空勞四體勤枉把雙  
眉皺有志愛林丘無夢到皇州消日憑碁局娛  
賓賴酒甌多謀天意知然否何求吾心任去留

又

投閑遠禍機守拙居田里四時景色佳滿眼風  
光異春翫杏桃蹊夏泛芰荷池秋和江楓句冬  
歌郢雪詞尋思今古知誰是須知光陰有限期

又

山花紅欲然原草青初遍遷喬出谷鶯營壘啣  
泥燕盡架看鞦韆紫陌聽歌絃對景深傾酒尋  
芳緩着鞭雖然春去還重見堪憐人難再少年

又

清和雨乍晴畏景陽方盛風清枕簟涼晝永軒  
牕靜攜酒賞荷亭留客奕揪枰冰水浮瓜冷榴  
花照眼明炎蒸槐幄垂涼影清冷薰絃解愠聲

又

浮蛆白酒香啄黍黃鷄壯杯盤可具陳親友宜  
來往候鴈已隨陽社燕又辭梁江上芙蓉老籬

邊菊蕊芳飛揚雲鶴情懷曠思量尊鱸滋味長

又

新霜特地寒愛日經簷短羔裘莫厭加蟻酒休  
辭滿穉稭積場攢楮拙繞爐然老眼慵看雪衰  
軀喜負暄周圓一歲時光遍循環南枝春信傳

又

少年氣吐霓壯歲思經世空懷獻璞誠竟負登  
雲志李廣數長竒顏駟不逢時白首還鄉曲青  
山托隱居從渠騏驥雲千里惟知鷓鴣月一枝

又

雲開月色明風息波光靜桑麻樂舊廬松菊尋  
荒徑身世免愁縈名利等毫輕不把嚴陵釣應  
隨桀溺耕神清且養痴愚性心寧全無寵辱驚

又

松醪椰子杯菊枕蘆花被清幽隱者斟瀟洒貧  
家睡朋戚任頻來蔬果旋安排郭索罈中取蹲  
鴟火裡煨忘懷紫陌紅塵外徘徊青山綠樹隈

又

山深景色饒地僻喧囂少柴門犬不驚陋巷人  
稀到一室任蕭條方寸免煩勞白社原知己青

雲夕息交魚跳旋把針為釣舟梢常將杖作篙

又

布衣聊禦寒脫粟堪為飢荆妻不厭貧秫酒休  
嫌淡煮茗解微酣揮塵助清談煉久黃金耗吟  
多白髮添窮探世事能諳練沉潛吾心免愧慚

折桂令

紅塵奔走多年識破功名歸老丘園混迹漁樵  
忘情詩酒快活神仙再休題彤庭紫殿且隨緣  
白石清泉綠草芊芊翠竹娟娟與到狂歌醉了  
高眠

又  
青山深處逃名構，所山居蓋座茅亭。魚鳥忘機，觸蠻不競。鷓蚌無爭，棄利祿風中萍梗。視榮華水上浮萍，適意忘情。秋穫春耕，綠醕盃深白苧衣輕。

又  
閑看世態澆漓，賣狗懸羊，面是心非。口誦丘軻，心同躑躅，語似秦儀。雅恂恂謙謹容姿，喜忻忻軟款言詞。外若平夷，內實嶽巖。人固堪愚，天豈堪欺。

又  
丟開利鎖，名韁跳出風塵，歸隱江鄉。雲起前山，鳥啼高樹，魚躍橫塘。九重城再無夢想，千鐘祿永不思量。隨分耕桑，聊給衣糧。遣興琴碁，樂意壺觴。

又  
掛冠別却皇州，脫離風波，遁跡林丘。薜荔牆高，菊松徑在水竹，居幽曳藤筇。紫芝谷口把釣竿，紅蓼灘頭小蹇輕舟。西泛東遊，懶散無拘，樂以忘憂。

又  
山林隱跡閑居小小山莊矮矮茅廬南畝晨耕  
前溪夜釣後圃春鋤想從前多憂多慮喜如今  
無束無拘竹樹扶疎禽鳥喧呼來往交談野叟  
田夫

又  
自從回到家山地僻人稀事少心閒翠竹交加  
綠槐掩映黃鳥綿蠻閱幾番星移物換者無數  
月缺花殘書史慵觀詩酒常懽朝暮煙嵐遠近  
峯巒

又  
倚山臨水安居不戀功名一意耕漁每遇良辰  
旋斲新釀剝摘嘉蔬但願得架廣詩書又何必  
囊富金珠散誕無拘此樂何如百念俱灰萬慮  
皆除

又  
遠離仕路朝班厭歷冰霜喜返溪山大藥難成  
頽波不息倦鳥知還訪名僧精藍躡懶尋羽士  
琳館消閑適意遊觀任性追懽縱飲忘懷努力  
加餐

又  
可人水綠山青山有仙名水有龍靈伎藝雕蟲  
文章畫虎名譽飛蠅都不如修心養性又底須  
焦思勞形何濁何清誰醉誰醒屈泥鋪糟曷若  
鴻冥

又

四時景色無邊春翫山花夏賞池蓮榴簇紅巾  
梅開白玉菊綻金錢月溶溶梨花庭院風細細  
桂子亭軒闥馥呈鮮競秀爭妍消遣芳尊糝點  
新聯

又

山林喜見陽春佳節清明上巳芳辰紅杏蒸霞  
夭桃絢錦綠草鋪茵燕營巢呢喃語勤鶯喚友  
睨睨聲頻蜂蝶紛紛車馬跋跋閱遍韶華倒盡  
芳樽

又

閑居喜見炎光長養風微畏日初長榴火燒林  
荷盤擎露葵萼傾陽飲碧簫槐陰謹浪搖白扇  
竹筵清涼瓦枕藤牀醉卧南牕一任長空火傘  
高張

老來驚見飛蓬又聽秋聲砧杵西風玄鳥辭巢  
鳴蛩在壁歸鴈排空晚節香黃花菊叢新霜染  
紅葉江楓綠水芙蓉金井梧桐酒熟鷄肥稱我  
踈慵

又

衰軀頗怯寒飈黃落園林草木俱凋橘柚堪觀  
木棉可禦楮枲頻燒翫江梅冰魂雪貌賞山茶  
翠葉紅苞瓦罐村醪芋栗山肴少敵風威消遣  
寒宵

又

誅茆築室林丘解散襟懷放下眉頭山足供薪  
田堪種玉水可垂鈎好笑他沈郎易瘦沒來由  
漆室多憂宜退宜休無怨無尤老我餘年詩酒  
賡州酉

又

居隣農圃漁家草舍柴扉竹蒿籬笆詩酒良謀  
綸竿活計耒耜生涯事蠶絲周圍桑柘供饘粥  
逸屋禾麻三報蜂衙兩部鳴蛙遠離雲霄樂守  
煙霞

又  
半生奔走紅塵涉遍江湖嘗盡甘辛鬢染清霜  
眼瞻紅日身到青雲自嘆嗟守株謀鈍空懷着  
獻曝心勤解脫簪紳歸守松筠快樂桑榆瀟洒  
琴樽

又

僻居事少心閑睡到東牕紅日三竿却枕推衾  
披衣據榻搔首掀髯命小奴急陳湯盥喚荆婦  
薄具朝餐不效袁安肯學陳搏却笑朝臣待漏  
趨班

又

日間何事堪為一曲薰絃幾局圍碁茗煮陶瓶  
香添石鼎酒泛瓊卮謾消停半牀好睡細敲推  
數首新詩冷眼支頤長笑開眉夕脫樊籠免受  
羈縻

朝天子

搆一箇小軒種幾畝瘦田聊遂閒居願栽桑植

果種池蓮不覺星霜換雀舌茶香鵝兒酒灑掩

衡門閑過遣看古文幾篇和新詩數聯強把芳

樽勸

又

為功名浪遊 向京師 逗遛久聽金門漏披星帶  
月幾春秋始得名成就謾有丹心難禁白首擲  
華簪拋紫綬 返雲山 故丘 尋泉石 舊遊旦暮憑  
詩酒

又

喜佳賓 滿堂 願美酒 盈觴消遣閑情況老來偏  
愛逞踈狂醉後還歌唱鴈塔題名麟臺畫像佐  
朝邦真將相 擅詞鋒 玉堂 馳鐵馬 戰場都不如  
我醉卧梅花帳

又

聽幾聲鳥啼 見數點 花飛欲挽春無計強斟尊  
酒解愁願一任韶光去三輔樓臺五侯甲第享  
繁華能有幾 王子喬 難期 赤松子 何之 不似我  
醉熟南窓睡

又

綠牕前 看書 碧溪邊 釣魚老懶多清趣王門縱  
得曳長裾不似閑箕踞饘粥堪供藜蔬可茹詩  
酒仙風月主 不學獨醒 三閭 難比多金 兩疏 只  
好與陶淵明接武

見富豪 懶趨逢愚善 不欺公正無偏倚 黃金暮

夜畏天知十手嚴 手指慎獨知幾真 誠無偽希

聖賢端可擬 心無累解頤 身無絆伸眉 俯仰無

慚愧

又

四時景可誇 三春日更佳 花柳難描畫 海榴薈

葡萄開花棊局消 長夏籬菊花黃 江楓葉赭鴈

驚寒蛩泣夜 賞朔風雪花 探南枝玉葩 把一年

風景都週也

又

翠茸茸草茵 綠依依柳紳 苑圃花如錦 東風簾

幙燕飛頻好雨如膏潤 百轉鶯聲幾番花信美

韶光看不盡 尋芳綉鞅 畫輪鞅 翠袖錦裙不

似我酒酣春卧穩

又

看新篁出林 喜細柳佈陰 葵萼紅似錦 海榴花

下奏虞琴汗透羅衣沁 白羽搗涼碧筩勸飲敞

南窓高枕枕 奕楸枰散心 坐柳陰解襟不覺炎

光盡

又

西郊稻黃東籬菊芳深院砧聲響碧空鴻鴈正

南翔多少尊鱸想桂子香飄芙蓉花放露生涼

風薦爽宋玉心獨傷潘安鬢易蒼只陶潛此際

宜權賞

又

憑綠酒禦寒向晴空負暄橘綠橙黃遍群芳凋

盡水痕乾梅蕊初開綻楮拙爐温木綿裘暖任

冰霜從雪霰忽地裡歲闌却又早臘殘只恁他

寒日經簷短

又

雲開雨晴星稀月明宿鳥棲初定舉頭喜見太

階平弧現天狼暝四壁虫吟一庭花影夜氣清

人語靜聽盡角數聲筭蕉鼓幾更不覺得零露

沾衣冷

又

水流去不還月缺了又圓花謝重開綻白頭那

得再芳年既老無由健大藥難成金丹莫煉且

放懷聊自遣休思想呂仙何處訪倭佺拚一醉

任彼滄桑變

又

衡門口 稻田屋山頭 果園繞屋泉拖練陰陰竹  
樹鳥聲喧詩酒閑消遣滿院花香一庭鳥篆稱  
老年閑散願 李白一斗百篇 何曾一食萬錢不  
如我酒三升肉十臠

又

高支箇 竹牀 亮糊箇 紙牕掛頂梅花帳一張綠  
綺錦為囊滿架詩書放風月襟懷山林模樣樂  
貧閑無外想 把義經 細詳 把軻書 較量志道為  
高尚

又

交雲林 野夫 結煙波 釣徒傍水依山住山花爛  
熳水禽呼容易朝還暮過眼榮華浮雲富貴水  
中漚花上露足不躡 仕途 夢不到 帝都永作林  
泉主

又

第新釀 濁醪烹旋采 野殺山果盛些小鄉間親  
戚舊貧交會坐同歡笑問舍求田栽桑種棗野  
趣多閑非少 想金章紫袍 陋玉釵翠翹 總不如  
厮守山妻老

幼留心簡編妄窺覲聖賢要遂功名願曾陪鴛  
鷺聽鈞天直上麒麟殿紫禁青宮烏臺翰苑九  
重城遊覽遍到如今老年再追思以前恰便似  
邯鄲仙夢轉

又

看時人盡乖嘆自身獨呆冷眼看螭螭榮枯信  
是命安排休計成和敗身世虛舟光陰過客逞  
英雄能幾載息百念盡灰把雙眉展開方寸寬  
如海

又

懶經營墨莊且留連醉鄉靜裡乾坤廣淺斟低  
唱度年芳此樂難名狀陸地神仙山林卿相有  
真心無妄想任美玉匱藏縱黃金斗量都不免  
歸黃壤

### 沉醉東風

誰識得青萍綠綺只都誇綉轂金羈沉埋梁棟  
材韜晦珪璋器濫齊竽何人辨試拂袖歸耕雨  
一犁不啻他誰非誰是

又

淨洒掃蒼苔門徑重脩整碧樹簷楹君恩莫可  
酬世事渾無定一任他觸蠻爭競隨分耕漁過  
此生聽自然樂天知命

又

千里馬終遭羈韉九霄鴻肯受牢籠寧為曳尾  
龜莫作朝陽鳳嘆從前虛名如夢百歲光陰太  
半空樂餘年歡娛受用

又

竹門外遙山呈秀苔堦下活水環流明明畫障  
開細細絲桐奏這風景無人看透回首紛紛名

利儔為輕肥塵中馳驟

又

喜四季無邊景象百花开富貴韶光擎波荷盖  
張噴石榴花放愛清秋桂子飄香忽又新霜雪  
片狂對梅花淺斟低唱

又

錦屏開花滿春山翠絲垂柳鎖朝煙紛紛課蜜  
蜂來往啣泥燕擲金梭黃鶯睨睨萬紫千紅闔  
美妍歎韶光速如傳箭

又

轉槐陰朱明日永送荷香長養風清招涼羽扇  
輕解渴冰瓜冷賜宮羅天中節令梔子榴花照  
眼明飲碧甯消磨夏景

又

飄一葉金井梧桐開幾枝碧水芙蓉涼隨鴻鴈  
來暑被玄蟬送搗衣聲驚回客夢但得黃花酒  
滿鍾又何須烹龍炮鳳

又

楫拙火強如獸炭槍旗茶勝似龍團梅花紙帳  
溫秣酒磁瓶煖曝雖嘉無由再獻一醉都忘霜

雪寒莫管他宵長晝短

又

坐黃昏酒後烹茶消白晝茶罷看花閑尋詩酒  
朋懶說功名話任時人之乎者也醉聽池塘兩  
部蛙到強如黃鐘大雅

又

綠陰陰桑榆門巷翠依依揚柳池塘枝頭鳥喚  
風水面魚吹浪策藤筇隨處徜徉每日醺醺醉  
幾場任人呼山林卿相

又

自甘分飲水啜菽再不思爨桂炊珠何妨原憲  
貧難效陶朱富樂隱居詩酒琴書回首青雲故  
友疎只與箇菊松為主

又

脫離了紫陌紅塵結托着青嶂白雲空思藥駐  
顏難免霜侵鬢不管他寒暑晨昏酒社詩壇老  
此身安樂窩醉酣卧穩

又

足不躡官河驛路身且安蓬戶繩樞功名水上  
漚富貴花間露醉鄉中便是良圖陶令柴桑范

蠡湖自甘心為農為圃

又

何處覓閭苑瀛洲幾時登玉宇瓊樓徒懷宋玉  
悲枉惹東陽瘦任英豪都在荒丘兔走烏飛春  
又秋落得箇龐眉皓首

又

連城壁混同砭砭照乘珠相兼魚目芝蘭雜草  
萊燕雀欺鴻鵠不遇時多遭制侮屠狗歌牛膝  
下夫終有日雲龍風虎

又

消困悶茶煮銅鑪解愁腸酒滿金瓶天教老且  
閑自樂貧非病一枰碁案上交兵幾曲清歌醉  
裏聽三弄琴調和情性

又

遠離了龍墀鳳閣不爭他蝸角牛毛天邊寵渥  
多林下風光好想功名釜魚籠鳥范蠡陶潛趣  
識高便宜得安閑到老

又

日西飛長繩難繫水東流砥柱難支紛紛走路  
岐勞碌皆名利竟何知誰非誰是且盡生前酒

一卮莫戀他浮雲富貴

又

懶提他禪家公案怕問起道友玄關陶情伏酒  
尊適意評詩卷暗不知星移物換安樂窩中別  
有天再不受名牽利絆

醉太平

撇名場仕路友沙鷗野廐久無厚祿故人書厭  
秋雲曉露尋芳春水桃花渡釣魚秋月薰葭浦  
乘涼夏日芰荷湖賞梅花雪圃

又

舒遲麗日暄澹蕩東風軟傍花隨柳過前川媚  
景應無限錦鳩喚雨訴春寒紅桃醉日知春暖  
杜鵑啼血怨春殘莫辭春酒滿

又

榴花照眼鮮細葛含風軟舒長却喜日如年滿  
酌荷筒勸火雲千里宜紈扇水紋八尺鋪湘簟  
南薰一曲奏冰絃稱炎天消遣

又

莫傷懷懊惱且隨時懽笑名場利路久勤勞今  
喜拋離了黃梁夢醒邯鄲道白雲心戀蓬萊島

紅塵念絕洛陽橋且優悠待老

又

秦女登仙者太真寵倖賒晉朝功業富豪奢千  
載稱王謝鳳凰臺上暮雲遮馬嵬坡下秋風烈  
烏衣巷口夕陽斜古人何處也

又

叅天綠樹重漱玉清泉湧數椽茅屋亂雲中彷彿  
桃源洞鹿門何必羨龐公平居底事稱長統  
鍾山不用學周顒高蹈為麟鳳

又

辭紅塵仕路還白雲隱墅樵山釣水自犁鋤絕  
他求外慕何須廣積陶朱富莫思巧學邯鄲步  
無勞剩貯鄴侯書且安貧守素

又

收放心腔內撇浮名雲外青山綠水小茅齋厭  
紅塵富貴論兵懶上劉琨塞垂綸何必嚴陵瀨  
安眠不夢楚陽臺樂道遙自在

又

笑首陽餓夫結高陽酒徒山間無夢到皇都樂  
安居守素不圖富盛厭梁肉看他擾攘爭蕉鹿

何如歸去味尊鱸躲風波險路

又

老柳咽鳴蟬遠漢排歸鴈芙蓉照水渚荷殘黃  
菊花初綻思尊命駕懷張翰登樓作賦推王粲  
投簪歸隱羨陶潛總為秋風嘆

又

負暄喜向陽獻曝思尊上蒲團坐穩地爐傍瓦  
罐斟新釀凍凝萬瓦霜花降陽回幾樹梅花放  
風飄千里雪花狂賞三冬景象

又

光陰容易老富貴寧長保白頭面皺不相饒謝  
功名趁早紅塵紫陌徒紛擾青山綠水宜高蹈  
黃鷄白酒且逍遙樂心閒事少

又

免鶴怨猿猜沒官錢私債不將勞苦累形骸更  
無些掛碍一枰碁局看羸敗幾篇書史論興廢  
數聯詩句詠情懷任從容自在

又

心猿鎖莫鬆意馬韁休縱知幾明決是英雄任  
人欺朦朧萬鍾千駟虛榮寵八珍九鼎成何用

五侯七貴揔皆空似黃梁一夢

又

尊鱸滋味甜利祿心情澹投簪歸老向林泉遂  
了平生願棄家豈但南昌縣栽桃何獨玄都觀  
采薇奚必首陽巔貴知幾識變

又

住茆簷竹扉築環堵棘籬兒耕妻織老山居獨  
樂無懷世桃花水暖鰕魚肥桑林葉少蠶兒起  
柳綿風細燕雛飛是隱居住佳致

又

隣家酒可賒舊友書堪借漁樵耕稼度年華共  
結香山社敢矜尊大井中蛙焉知禍福胡中馬  
底須疑慮酒中蛇任天之命也

又

愧玉食錦衣甘菽粥鹽齏一家安樂是便宜閒  
散無縈繫三竿紅日埋頭睡半牕明月留賓醉  
一軒春雨對僧基肆從心任意

又

斂盡釣詩鈎袖却持螯手枕流漱石樂無憂世  
事都叅透不思玳瑁筵中酒惟知麋鹿山中友

難忘鷗鷺水中舟伴山翁溪叟

又

不是厭輕肥也匪忘名利霜侵短鬢解朝衣冷  
眼看浮世翻雲覆雨時人意嘲風咏月詩人句  
彈冠結綬故人稀樂盃中雅趣

葵軒詞終



